



# Vesturbyggð

Aðalstræti 75, 450 Patreksfjörður, kt. 510694-2369, Sími 450-2300.

Atvinnuvega- og nýsköpunarráðuneyti  
Skúlagötu 4  
150 Reykjavík

Vesturbyggð, 18. september 2020  
2009032 RH

## Efni: Umsögn vegna frumvarps til laga um br. á lögum um stjórн fiskveiða (atvinnu- og byggðakvótar)

Vísad er til frumvarps til laga um breytingu á lögum um stjórн fiskveiða nr. 116/2006, með síðari breytingum (atvinnu – og byggðakvótar o.fl.) sem birt var í Samráðsgátt stjórнvalda 4. september sl. Vesturbyggð fagnar því að skapa skuli skýrari lagalegan grundvöll fyrir meðferð og ráðstörfum 5,3% heildaraflamarks til atvinnu- og byggðaráðstafana. Einnig að skilgreindur sé betur tilgangur og markmið úthlutunarinnar og tryggt verði að nýting umræddra aflaheimila stuðli að aukinni byggðafestu og nýliðun í greininni.

Samkvæmt 5. mgr. 15. gr. b. frumvarpsins um almennan byggðakvóta er kveðið á um samninga sem Byggðastofnun skuli gera við einstök sveitarfélög um fyrirkomulag úthlutunar almenns byggðakvóta og í reglugerð sé heimilt að kveða nánar á um samningana. Vesturbyggð leggur áherslu á að við setningu reglugerðarinnar verði sérstaklega gætt að tilgangi frumvarpsins um atvinnu- og byggðaráðstöfun. Sérstaklega þegar litioð er til mögulegra heimilda til að falla frá vinnsluskyldu við úthlutun byggðakvóta. Vesturbyggð leggur til að gerð verði krafa um ákveðið mat á áhrifum við síka samningagerð. Krafa verði um að framkvæmd verði greining út frá stöðu þeirra fiskvinnsla sem eru starfandi innan hvers sveitarfélags eða innan skilgreinds vinnusóknarsvæðis áður en heimilt er að semja um að falla frá vinnsluskyldu. Pannig verði tryggt að sílik samningagerð og ráðstöfun gangi ekki gegn tilgangi frumvarpsins og byggðakvótans sem er að stuðla að aukinni byggðafestu. En samningur um að falla frá vinnsluskyldu getur haft gríðarleg áhrif á heilsársstörf og þar af leiðandi atvinnumöguleika og byggðafestu innan einstakra vinnusóknarsvæða.

Samkvæmt 2. mgr. 15. gr. d. frumvarpsins um strandveiðar er lagt til að þeim heimildum sem ráðstafað verði til strandveiða, þ.e. 35,40% aflamarks í óslægðum botnfiski sem tekið hefur verið til hliðar fyrir atvinnu- og byggðakvóta, skuli skipt á fjögur landsvæði. Ráðherra skuli með reglugerð kveða nánar á um skiptingu landsvæða og aflaheimilda á tímabil og landsvæði. Í greinargerð frumvarpsins er vísað til þess að verið sé að færa fyrirkomulag strandveiða í sama farveg og var í eldri lögum, fyrir samþykkt laga nr. 22/2019 um breytingu á lögum um stjórн fiskveiða, nr. 116/2006. Í frumvarpinu er ekki að finna skilgreiningu á því hver mörk svæðanna fjögurra verða og hvað muni ráða magni þess aflamarks sem ákveðið verður innan hvers svæðis. Æskilegt er að í frumvarpinu verði sett fram þau viðmið sem ráðherra beri að



**Vesturbyggð**

Aðalstræti 75, 450 Patreksfirði, kt. 510694-2369, Sími 450-2300.

lítta til, þegar ákveðin eru mörk svæðanna og hvað muni ráða aflamagninu, hvort það sé fjöldi báta eða afli síðustu ára. Vesturbyggð hvetur til þess að nánari skilyrði fyrir skiptingunni verði tilgreind í frumvarpinu, svo skýrt sé við setningu reglugerðarinnar til hvaða atriða skuli litið við skiptingu svæðanna. Þá er lagt til að gerð verði sú krafa að við setningu reglugerðarinnar verði framkvæmt mat á áhrifum af nýrri svæðaskiptingu á einstök svæði eins og þau hafa verið frá því lögum var breytt 2019.

Fyrir hönd Vesturbyggðar,

*Rebecka Hilmarsdóttir*  
Rebecka Hilmarsdóttir, bæjarstjóri  
VESTURBYGGÐ  
BÆJARSTJÓRI